




АКАФИСТ
преподобному
Илариону Псковоезерскому,
Гдовскому чудотворцу

*По благословению митрополита
Псковского и Великолукского Евсевия*



*Приход церкви Покрова Божией Матери
благодарит Сергея Николаевича Тихомирова
за помощь в осуществлении этого издания*




ТРОПАРЬ

(глас 4)

В молитвах бодрствуя, / пресвет-
лый храм Духа Святаго был еси, /
тем же и чудотворец предивный
явился еси, / преподобне отче наш
Иларионе, / о нас моли Христа Бо-
га / светом Божественнаго позна-
ния просветити ны / и спасти души
наши.

ВЕЛИЧАНИЕ


Ублажаем тя, / преподобне отче
наш Иларионе, / и чтим святую па-
мять твою, / наставниче монахов / и
собеседниче ангелов.



КОНДАК 1

Возбранному подвижнику от Гос-
пода Сил вечною славою достойно
увенчаннаго, / яко препобедившему
в житии своем суетную мира сего
прелесть / и стяжавшему преизо-
бильную Духа Святаго благодать, /
похвальное пение приносим ти, /
чтуще твою память, блаженне Ила-
рионе, / ты же яко имей дерзнове-
ние ко Господу, / от всяких бед сво-
бождай нас, зовущих ти: /

Радуйся, преподобне Иларионе,
отче наш милостивый.




ИКОС 1

Ангелом, непрестанно на Небеси славящим Творца и Владыку всех Бога, уподобился еси на земли, блаженне Иларионе, тину бо страстей плотских отрясл и в ризу чистоты светлейшую облекся, был еси воистину во плоти ангел. Тем же и ныне, в небесных чертозах со ангелы и всеми святыми ликовствуя, радуешься нетленною радостью и веселишися светло. Мы же, яко дивнаго угодника Божия тя почитающе, зовем ти:

Радуйся, ангелов невестественнаго пребывания ревнителю,

Радуйся, благий и верный Царя Славы Господа служителю,



Радуйся, ангелов достойный со-
бесѣднице,

Радуйся, славы святых сонаслѣд-
нице,


Радуйся, праведных сподвиж-
нице,

Радуйся, мучеников сопричаст-
нице,

Радуйся, яко Царю Небесному
предстоя, о всех нас тепле к Нему
ходатайствуеши,


Радуйся, яко благоутробие Его о
всех чтущих память твою умило-
стивляеши,

Радуйся, преподобне Иларионе,
отче наш милостивый.



КОНДАК 2

Видя преходящаго и тленнаго мира сего суету, причастником быти нестареющия и вечныя жизни вожделе еси, сего ради дом твой и отечество оставил, во обитель дивнаго Евфросина притекл еси, поя присносущному Богу: Аллилуия.




ИКОС 2

Разум горный разумети ища, плотский разум отвергл еси: постом и молитвою страсти плотския умертвив, дух твой к приятию божественныя истины уготовал еси, тем же божественнаго разума огнем душу просветив, во всем подражатель Христу был еси. В том же убо разуме настави и нас, зовущих ти:

Радуйся, мир и вся его прелести оставивый,

Радуйся, горнее отечество обретый,

Радуйся, к Богу разум твой превозносявый,



Радуйся, горнее любомудрие возлюбивый,


Радуйся, телесная любви удаливыйся,

Радуйся, Богу Всещедрому присвоивыйся,

Радуйся, яко во благочестии жити нас возбуждаеши,


Радуйся, яко на путь спасения нас наставляеши,

Радуйся, преподобне Иларионе, отче наш милостивый.



КОНДАК 3

Силою свыше укрепляемь, демонския козни сокрушил еси, блаженне, крестом бо вооружився, его же образ в сердце твоем всадил еси, мрачныя силы вражия силою того дерзостно сокрушил еси, поя укрепляющему тя Богу: Аллилуия.



ИКОС 3


Имея ревность многу о Господе во еже Ему Единому послужити, всякаго мирскаго пристрастия чужд был еси, отвергся бо себе и взем крест твой последовал еси Христу; душу же твою Христа ради и Евангелия отщети́в, тем убо спасл еси ю. Сего ради ублажающе тя вопием:

Радуйся, Господеви поработати
пламенне вожделёвый,

Радуйся, Христа паче всех
возлюбивый,

Радуйся, от юности Христу
последовавый,

Радуйся, благое иго Христово на
рамена твоя взёмый,




Радуйся, крепость невидимых вра-
гов сокрушивый,

Радуйся, крепости божественная
исполнена себе явивый,

Радуйся, яко от козней вражиих
нас защищаеши,


Радуйся, яко Христу последовати
нас научаеши,

Радуйся, преподобне Иларионе,
отче наш милостивый.



КОНДАК 4

Бурею помышлений сумнительных ни единою смущаемъ был еси, преподобне, егда вся красная мира сего оставив, тесным и многотрудным путем к Царствию Небесному шествовати обет дал еси, но верою мужественно сея бури ярость укрощал еси, паки и паки вопия Богу: Аллилуия.




ИКОС 4

Слыша глас Господа глаголюща:
«Бодрствуйте и молитесь, да не вни-
дете в напасть: дух бо бодр, плоть же
немошна есть», во бдениях и молит-
вах непрестанно пребывал еси, всяку
напасть теми отгоняя и немощь ес-
тества человеческого побеждая.

Тем же молимся ти: твоими молит-
вами от всяких напастей избави и нас
зовущих ти: Радуйся, восстания те-
лесная поправый,

Радуйся, на высоту добродетелей
восшэдый,

Радуйся, воздержанием житие
твое украсивый,



Радуйся, блаженную жизнь обретый,


Радуйся, плотская желанья постом увядивый,

Радуйся, божественному бесстрастию поревновавый,

Радуйся, яко подвигом добрым подвизался еси,


Радуйся, яко веру непоколебимую соблюл еси,

Радуйся, преподобне Иларионе, отче наш милостивый.



КОНДАК 5

Светозарною звездою предносящимся мысленному твоему взору, образом Царствия Божия водим, обитель преподобнаго Евфросина оставил еси и в пустынной дебри при реце Желче вселился еси, пустынное безмолвие огласив пением: Аллилуия.




ИКОС 5

Видя мысленными очима Начальника веры и Совершителя Иисуса, иже вместо предлежащая Ему радости претерпе Крест, всего себе принесл еси Богу жертву живую, чистую и угодную. Мы же, помышляюще подвиги твоя и труды, ими же Господеви хотя угодити трудился еси, прославляем тя тако:

Радуйся, Царствие Божие внутрь себе восхитивый,

Радуйся, в брэнном телеси райскую сладость предвкусивый,

Радуйся, плоти мудрование умертвивый,



Раду́йся, духом премудро по-
жи́вый,


Раду́йся, воине Христов добро-
побéдный,

Раду́йся, Небеснаго Владыки ра-
бе благий и ве́рный,

Раду́йся, яко в радость Господа
Твоего вше́л еси,


Раду́йся, яко венец нетленный от
Него прия́л еси,

Раду́йся, преподобне Иларионе,
отче наш милостивый.



КОНДАК 6

Проповедник богоносный евангельския истины показался еси, преподобне Иларионе, не точию бо словом, паче же самым делом дивнаго жития твоего проповедал еси людем, како подобает Господеви служити: в воздержании, в чистоте, в молитвах сердечных и пети Ему: Аллилуия.



ИКОС 6

Воссиял еси премудростию, яко многосветлое светило, от истиннаго солнца правды Христа озаряемь. Тем же мрак неразумия и нерадения, находящій на ны, отжени от нас, зовущих ти:


Радуйся, светом Божественным просвещённый,

Радуйся, добротой вседетельнаго и Святаго Духа украшённый,

Радуйся, заповедей Господних верный исполнителю,

Радуйся, чистоты душевныя и телесныя строгий блюстителю,

Радуйся, правило веры и благочестія,




Радуйся, яко труждающимся еси
предивное поможе́ние,

Радуйся, яко скорбящим еси пре-
тихое утешéние,


Радуйся, Озерския веси священ-
ное украше́ние,

Радуйся, преподобне Иларионе,
отче наш милостивый.



КОНДАК 7

Хотя плотских уз свободитися и
духом пожити, подвигом добрым
подвизался еси, богоносне, в терпе-
нии, в трудах, в пощении, в бдении
непрестанно пребывая. Сего ради,
видя добрая твоя дела, прославляем
Отца, иже есть на Небесех, поюще
Ему: Аллилуия.




ИКОС 7

Новаго подвижника благочестия
видевше тя мнози христороубцы, яко
же и ты, горняго града взыскующе,
к тебе прихождаху, да под твоим
водительством поживут благоугод-
но. Сего ради обитель и храм По-
крова Пресвятыя Богородицы со-
здал еси и был еси наставник иноком
премудрый и игумен добрый.

Тем же к высоте небесней возведи
и нас, поющих ти:

Радуйся, образ терпения еже по
Бозе и молитвы непрестанныя по-
казующий,

Радуйся, на Небеси, а не на земли
сокровище наше искати нас научаю-
щий,



Радуйся, крине райскаго прозя-
бения, в пустыни преславно про-
цвѣтшій,

Радуйся, цвѣте божественнаго
саждения, весь Озерскую собою
укра́сившій,


Радуйся, сосуде божественный
воздержанія,

Радуйся, богатство некрадомое
благочестія,

Радуйся, яко притекающим к тебе
спасения еси ходатай,


Радуйся, яко прибегающим к тебе
увеселение еси и отрада,

Радуйся, преподобне Иларионе,
отче наш милостивый.



КОНДАК 8

Дивное житие пожил еси, преподобне, от юности твоя шествуя трудолюбно по стопам заповедей Господних, и тако старости честныя и седины маститыя достигл еси, всяческими добродетельми украшен, Богу на всяк день воспевая: Аллилуия.




ИКОС 8

Весь Богу освятился еси и еже со Христом быти паче всех вождедел еси. Тем же и при скончании жития твоего страха смертнаго чужд был еси, егда же разлучашеся душа твоя блаженная от телесе, тогда светел лицом был еси и тако радуяся, представился еси ко Господу, да всегда пребудеши с Ним.

Сего ради ублажаем тя званиими сими:

Радуйся, нощь жития сего всемудро прошедый,

Радуйся, невечерний день Царствия Небеснаго постигнувый,



Радуйся, светом вечныя жизни
достойно оболкййся,

Радуйся, во блаженных обителях
божественныя трапéзы сподóби-
выйся,


Радуйся, Духа Святаго святилище
благолéпнейшее,

Радуйся, благодати божествен-
ныя сосуде чистейший,

Радуйся, яко Господним видением
ныне наслаждаёшия,


Радуйся, яко Того светлостию не-
возбранно насыщаёшия,

Радуйся, преподобне Иларионе,
отче наш милостивый.



КОНДАК 9

Всякое естество ангельское радовашеся о тебе, зря, яко невестественное житие на земли показал еси и во плоти аки бесплотен явился еси, сего ради небесным силам сопричастен, престолу Господа Царя Славы ныне предстоиши, со ангельскими лики воспевая Ему: Аллилуия.



ИКОС 9


Витии многовещаннии не возмогут
изрещи́, яже уготова Бог любящим
Его, их же око не виде и ухо не слыша
и яже на сердце человеку не въздоша.
Ты же, блаженне отче, ныне наслаж-
даяся сих изобильно, не забуди твоею
любовию и нас, зовущих ти:

Радуйся, нетленных благ небесных
наслѣднице,

Радуйся, вечныя жизни прича́ст-
нице,

Радуйся, неизреченную Божию
Славу всегда созерца́ющий,

Радуйся, во свете невестественнем
непрестанно пребыва́ющий,




Радуйся, райскаго наслаждения
умнаго сподобивыйся,

Радуйся, нетленные и божествен-
ныя славы удостобивыйся,

Радуйся, благодатию Божиею не-
дужным исцеление подаеши,


Радуйся, яко силою Вышняго всем
нуждающимся вспомошествоуеши,

Радуйся, преподобне Иларионе,
отче наш милостивый.



КОНДАК 10

Спасати хотя от отчаяния и пагубы верою к тебе притекающия и помощи твоея просящия, приклонял еси им милосердие Всеблагаго Владыки, сего ради издревле отцы наша научашася яко заступника в бедах и напастех и чудотворца предивнаго ты почитати, Богу же чрез тебе чудодеющему воспевати: Аллилуия.



ИКОС 10

Стена еси и ограждение всем, к заступлению твоему прибегающим. Тем же буди стена крепкая и ограждение непреоборимое и нам милостиваго твоего заступления просящим и почитающим тя звании сими:


Радуйся, немощей наших безмездный целителю,

Радуйся, в скорби и печали сущим скорый утешителю,

Радуйся, преславный в бедах заступниче,

Радуйся, превеликий в напастех защитниче,

Радуйся, предстателю о нас пред Богом непостыдный,




Радуйся, чудеса от Господа прославленный,

Радуйся, яко по успении твоём нас, сущих на земли, не оставляеши,


Радуйся, путеводителю, яко всех к Небеси направляеши,

Радуйся, преподобне Иларионе, отче наш милостивый.



КОНДАК 11

Пение дивное слышаша иногда
людие и свечи горящия видеша в
храме, идеже честныя мощи твоя по-
чивают, в обители, юже создал еси,
запустевшей, идеже служба божест-
венная в храме преста. Сими же зна-
меньями возбуждаеши, да христоиме-
нитии людие потщатся храм святыи
возсоздати и службы Божия в нем
уоставити, да верных соборища див-
ному во святых Богу со умилением
вопиют: Аллилуия.



ИКОС 11


Светоносная память твоя, божественне Иларионе, возсия нам пресветлыя лучи исправлений твоих, страстей убо наших отгоняюще облак и к свету благочестия наставляюще нас, юже совершающе верою тя и любовью блажим, взывающе:

Радуйся, светильниче, огнем божественным возжённй,

Радуйся, благодатию Божиею просвещённй,

Радуйся, заре, верным путь жизни освещающая,

Радуйся, звезде, в ноци греховней заблудшим сияющая,




Радуйся, благодатных исцелений
неоскудевающий истóчнице,

Радуйся, люте страждущим ми-
лостивый помóщнице,

Радуйся, яко во светлостех святых
пребывáеши,


Радуйся, яко со избранными Бо-
жиими купно торжествúеши,

Радуйся, преподобне Иларионе,
отче наш милостивый.



КОНДАК 12

Благодать Пресвятаго Духа испроси нам, преподобне Иларионе, от Всещедрого Бога и Спаса нашего, вразумляющую и укрепляющую нас во спасение, да уклоншеся от путей нечестия и заблуждений, ходим во свете заповедей Божиих и тако вечнаго блаженства в Царствии Небесном достигнем, воспевающе Богу: Аллилуия.




ИКОС 12

Поюще славное житие твое, подвиги же дивные и чудотворения от тебе являемые, ублажаем тя, отче Иларионе, яко угодника Божия преподобнаго и чудотворца предивнаго. Ты же, Богу предстоя, присно поминай нас, любовь совершающих память священную твою и всечестную и во смирении зовущих ти таковая:

Радуйся, по достоянию от Господа
возвелі́ченный,

Радуйся, за смиренномудрие от
Него превознесѣнный,

Радуйся, благочестия столпе не-
поколебимый,



Радуйся, в бедах и напастех сущим
поборниче крѣпкий,


Радуйся, чтущих ты наставниче
благодѣтельный,

Радуйся, притекающих к тебе пок-
ровителю благонадѣжный,

Радуйся, яко блаженную жизнь
наслѣдовал еси,

Радуйся, яко дар чудотворений от
Господа приял еси,


Радуйся, преподобне Иларионе,
отче наш милостивый.



КОНДАК 13


О, преславный угодниче Христов, преподобне отче наш Иларионе, песенное наше приими приношение и молитвами твоими испроси нам у Господа прощение и оставление грехов и прегрешений наших и велию Его милость, да всяких зол избегше в сей жизни, и гибели горькия избавимся в будущем веце, Царствие же Небесное улучим, со дерзновением воспевающе: Аллилуия, Аллилуия, Аллилуия.

*Сей кондак глаголи трижды.
И паки Икос 1, Кондак 1.*




МОЛИТВА ПРЕПОДОБНОМУ ИЛАРИОНУ


О, священная главо, преподобне отче, преблаженне авво Иларионе! Не забуди убогих твоих до конца, но поминай нас всегда во святых твоих и благоприятных молитвах к Богу. Помяни стадо твое, еже сам упасл еси, и не забуди посещати чад твоих. Моли за ны, отче священный, за дети твоя духовныя, яко имеяй дерзновение к Небесному Царю: не премолчи за ны ко Господу и не презри нас, верою и любовью чтущих тя. Поминай нас, недостойных у престола Вседержителя, и не престань молиться о нас



ко Христу Богу: ибо дана тебе бысть благодать за ны молитися. Не мним бо тя суща мертва: аще бо телом и преставился еси от нас, но и по смерти жив сый пребываеши. Не отступай от нас духом, сохраняя нас от стрел вражиих и всякия прелести бесовския и козней диавольских, пастырю наш добрый. Аще бо и мощей твоих рака пред очима нашими видима есть всегда, но святая твоя душа со ангельскими воинствы, со безплотными лики, с небесными силами у престола Вседержителя престоящи, достойно веселится. Ведуще убо ты воистину и по смерти жива суща, тебе припадаем и тебе молимся: молися о нас



всесильному Богу о пользе душ наших, и испроси нам время на покаяние, да невозбранно прейдем от земли на небо, от мытарств же горьких, бесов, воздушных князей и от вечныя муки да избавимся, и Небесного Царствия наследницы да будем со всеми праведными, от века угодившими Господу нашему Иисусу Христу: Ему же подобает всякая слава, честь и поклонение, со безначальным Его Отцем, и с пресвятым и благим и животворящим Его Духом, ныне и присно и во веки веков. Аминь.



**Преподобный
Иларион Псковоезерский,
Гдовский чудотворец**

Празднование памяти
(ст. стиль / нов. стиль)
28 марта / 10 апреля
21 октября / 3 ноября

Ученик преподобного Евфросина Псковского, преподобный Иларион основал в 1470 году Покровский Княже-Езерский мужской монастырь на реке Желче и был его игуменом.

При своей жизни нес подвиг столпничества — молился в дупле дерева. До сих пор эта сосна сохраняется в часовне недалеко от церкви Покрова Божией Матери.

Преподобный Иларион почил в 1476 году и был погребен братией монастыря под спудом церкви. Мощи святого находятся в левом приделе церкви и поныне.

Монастырь был упразднен в 1764 году указом Екатерины II. Церковь стала приходской, такой она остается и сейчас. Мощи преподобного Илариона Псковоезерского, Гдовского чудотворца привлекают сюда богомольцев.

Сие святое место да будет спасением всем прибегающим к помощи преподобного Илариона.

*181637, Псковская обл., Гдовский р-н,
п/о Ямм, с. Озера*